

東華續錄

道光三十九

臣王先謙敬編

臣周潤椿恭校

道光十九年己亥春正月戊戌朔管封惠郡王繇倫爲親王○甲寅諭鄉會試考官憑文取士中式者感其識拔誼等師生尙屬禮緣義起至新進士殿試朝考一經館選卽與閱卷官認師生已屬非是若京察一等大計卓異者概與堂官上司認師生受罰公朝拜恩私室甚非國家考績求賢之義至外省風氣州縣與府道認師生府道與督撫認師生種種賁緣皆由此起又安望其持正秉公各盡職守耶嗣後內外臣工總當守分勵節斷不准藉師生稱謂攀援干進部院大臣及各省督撫尤當正己率屬以人事君遇有藉端干謁者卽行屏斥庶屬吏共知教誨以杜夤緣而肅官方

東華續錄

道光三十九

○壬戌申諭各衙門揀發河工學習人員不得以額外行走未經奏留之員率行保送○以奎熙氣體不充罷軍機大臣○癸亥諭向來回子伯克每年朝覲九班輪流四川土司三年朝覲兩班輪流在該伯克土司等輪忱展覲不敢告勞惟念萬里馳驅載餘雨雪朕俯懷况瘁爲期未免過勤著加恩自道光十九年起回子伯克年班改爲間二年朝覲仍照舊九班輪流第一班著於道光二十一年來京第二班著於二十四年來京此後照此辦理四川土司年班改爲間五年朝覲一次仍照舊班輪流第一班著於道光二十四年來京第二班著於三十年來京此後均照此辦理用示朕懷柔遠服體恤優加至意○甲子兩廣總督鄧廷楨等奏遵旨力除鴉片共矢肅清大患得旨卿等同心戮力大臣林則徐若能合力同心除中國大患之源不但卿等能膺懋賞卽垂諸史冊

朕之光輝豈淺鮮哉而民生之福政治之善又非淺鮮諒卿等亦
不煩諄諄告誡也勉之勉之朕拭目待之此摺給林則徐看○是
月貸湖南武陵縣陝西葭州等九州縣甘肅固原等五州縣水旱
災雹災口糧籽種緩徵直隸深州等二十三州縣山東臨清等十
六州縣衛被災新傳額賦江蘇高郵等二十九州縣衛被災通賦
二月丁卯朔鄧廷楨奏南澳洋面本非洋船經由之路近因中路
伶仃各外洋洋船寄碇之處守堵綦嚴先後有洋船八隻駛來拋
泊見經該鎮總兵親督將弁舟師逐去三隻餘仍遷延觀望復經
調集師船將該五船圍繞防範並諭以如再逗留定行開礮轟擊
各該船已向東南外洋駛去報聞○以李品芳爲內閣學士兼禮
部侍郎銜

由詹事府

○己巳

上御經筵

○庚午聯脣緣事降調調善

肅爲戶部右侍郎以阿勒清阿爲戶部右侍郎

由左副都御史

○壬申

諭軍機大臣等據寶興奏川夷自道光十七年溜馬礮官兵失利後大肆鴟張千百成羣直撲村場市鎮肆行焚殺上年出掠經兵勇殺斃多匪亦有擒獲我邊廳之十三支及干洛三溪有互傳木刻出擾之議見在四廳一帶原派防堵兵勇未便裁撤惟馬邊道路歧難防範較難請酌調精熟槍礮刀手兵五百名委已革提督張必祿帶往作爲遊兵在各路周歷儻有夷匪竊發卽出其不意用鷗勦之法轟擊一經逃竄無庸追捕等語四川省各路夷匪深恃懸巖斗壁往往出巢焚掠迨經官兵進勦輒復竄匿老林我兵不能進攻著如該督所議平時惟當妥爲防堵俟其出巢滋擾卽痛加勦戮如其逃竄入山亦無庸追捕務使該夷匪等知我備禦甚嚴受創數次自必不敢出山劫掠庶居民得以安堵而兵力亦不至重煩方爲妥善

壬午 御試翰林詹事等官擢李國杞四

員爲一等餘升黜留館有差○諭軍機大臣等據鄧廷楨等奏籌議虎門海口創造木排鐵鍊添置礮臺礮位分別繪圖貼說開單呈覽一摺虎門海口爲粵海中路咽喉通商番舶絡繹往來見在籌議海口章程自應妥爲布置以密巡防據該督等奏稱涉海澄山周覽形勢請於橫檔山前海面較狹之處創設鐵鍊木排並於威遠礮臺迤西建大礮臺一座安放大礮六十位以壯聲威所有估需各項銀八萬六千兩既係洋商伍紹榮等情願捐辦著免其造冊報銷該督等卽飭催原派文武各員務於本年三月內將排鍊礮臺一律趕造完竣並將新添礮位如法製造具摺水兵丁由該提督關天培如數飭募隨時演習以關得力至排鍊等項每年修費及添設排鍊官兵月餉並排鍊礮臺各兵丁四箇月增給口糧春秋二操中火實號共歲需銀八千三百餘兩除商捐存銀三

千七百六十餘兩外尚不敷一歲之需著該督等另行籌款奏明辦理○丙戌諭軍機大臣等林則徐奏體察洋面堵截情形據奏見在臺船既經移動自須到處跟蹤即使該臺船駛出老萬山猶恐內海匪船前赴外洋勾結等語著林則徐即親赴虎門澳門等處相機度勢通計熟籌務使內地匪船不敢潛赴外洋私行勾結嚴密巡防盡除鉅弊方爲妥善俟中路辦竣再往東路察看機宜覈實辦理該大臣係特簡前往查辦大臣務須悉心籌議從容辦理不必急於臆事要期除惡淨盡方爲不負委任○乙未諭前據御史周春祺奏江甯布政使唐鑑於江甯省城爲女建祠其胞弟唐紫玘見在省城並該司係屬病軀終年不去藥餌等語當降旨先後交福泰及湯金釗等查奏茲據湯金釗等勘明該省天界寺前有唐孝女墳冢碑坊並無建立專祠燒香聚會情事其壽星橋

房屋一所勘該司故父祠堂唐紫玖先曾在內居住見已回籍亦無實緣鑽刺等情該司語言步履均無患病情形公事尚無廢弛惟於伊弟前來江省任令署外居住請旨交部議處各等語餘與福泰所奏大略相同唐鏌卽唐紫玖既經該尚書等查無倚勢招搖劣跡該藩司令在署外居住尚無不合著無庸議惟伊故父唐仲冕在江甯置有房屋建立祠堂唐鑑於簡放江甯藩司時不卽據實聲明伊女在伊江安糧道任內病故並不送回原籍輒借寺旁隙地營葬致招物議唐鑑著交部議處○是月展緩山西太原縣積欠額賦

三月己亥 上親耕耤田○諭自查禁鴉片煙以來各省紛紛具奏民間呈繳煙土煙具投首者甚多行之既久恐滋流弊不可不防其漸蓋呈繳之後地方官不復查察轉得優游吸食漫無顧忌

是寬縱一二人而效尤者將不止千百法令所由廢弛且朕聞煙膏煙具多有假造地方官或意在邀功貪多務得或心存避咎苟且塞責託收繳之名以售其蒙混之術其弊不可勝言國家矜憫愚民原欲開其自新之路該軍民人等果能革其舊染無難實力戒除何必呈繳煙具以自表其改悔卽如釀酒有干例禁如果改悔無難自行禁止亦從無繳出酒具之條嗣後各省孳蕪吸煙人犯不准以呈繳煙膏煙具入奏其從前投首不實之犯仍著各督撫等嚴飭該地方官隨時查察如有再犯卽加重治罪以杜蒙混而歸嚴實○庚子 上啟慶調 東陵○免經過地方額賦十分之三○辛丑吳椿以病免調何凌漢爲戶部尚書以陳官俊爲工部尚書調許乃普爲吏部左侍郎趙盛奎爲刑部右侍郎

由倉場侍郎遷

○以龔守正爲禮部尚書廖鴻荃爲左都御史調李振祐爲吏部

右侍郎兼署倉場侍郎以徐士芬爲工部右侍郎

由內閣學士遷

○癸卯

上謁 昭西陵 孝陵 孝東陵 景陵 裕陵詣 端慧皇

太子園寢奠酒回鑾○命嗣後謁 東陵禮成後並將大學士公

長齡開列奏請派員賜奠○乙巳陶澍以病免調林則徐爲兩江

總督未到任前命江蘇巡撫陳鑾署理以桂良爲湖廣總督朱樹

爲河南巡撫鄂順安爲河南布政使卞士雲爲湖北按察使

由長

運使

○丙午 上幸南苑行圍○丁未諭前據黃爵滋奏請飭查

河南汲縣境內無生老母廟宇富有旨交桂良嚴密查拏按律懲

辦本日據桂良將全案人犯審明具奏又據片稱該省各州縣查

出無生老母廟三十九處俱係建自前明見已全行拆毀等語各

省地方淫祠假託荒誕不經名號聚眾燒香最易煽惑地方官果

能隨時查禁何至錮習相仍執迷不悟河南省習教重案屢經查

辦何以尙留餘孽贍敗重修祠宇肆無忌憚此皆從前不能認真
查毀所致且恐該省見有淫祠亦尙不止此數著該撫嚴飭所屬
留心訪察其境內如有此等廟宇立即拆毀毋稍徇隱至附近河
南之直隸山東山西各處亦恐有此項祠宇著各該督撫等一體
嚴查飭屬拆毀斷不准意存消弭致貽後患以正風俗而淨根株
○庚戌諭前據步軍統領等奏獲售賣鴉片煙土之于五等富有旨
交刑部審訊茲據該部查明于五所供之人即係伊子奕邁並將
案犯袁全福袁文兒交出著刑部會同宗人府嚴行審辦其縣譽
自請嚴加議處之處著俟定案時再降諭旨尋訊明于五照煎熬
鴉片售賣例發邊遠充軍劉文祥照典販鴉片例枷號一箇月發
近邊充軍傅大照爲從例杖徒奕邁因病買食應請革退鎮國將
軍所犯杖徒照宗人府例折圈得旨奕邁著革去鎮國將軍其犯

杖六十罪著宗人府照實折打發往盛京圈禁餘依議縣署著宗人府嚴加議處○辛亥 上還京師○乙卯諭本日據林則徐等由驛馳奏查辦疊船儘數呈繳煙土一摺所辦可嘉之至疊船私販煙土希圖脫逃經林則徐等截回疊船二十二隻起獲煙土二萬二百八十三箱該督等奏請酌賞茶葉之處著照所議辦理至此項煙土爲數甚多俟收繳完竣卽查明實在箱數派委明幹員弁解京以憑覈驗林則徐等查辦妥協自應量加獎勵林則徐鄧廷楨著交部從優議敘怡良豫堃關天培著交部議敘○諭栗毓美奏豫籌儲備工需以防串溝隱患一摺又另片奏賑工得力省費情形等語著照所請惟其於北岸黃沁廳屬之馬營蔡原兩隄南岸下南廳屬之祥符下汛陳留汛每廳各購甌五千方於情形險要之處酌量多寡分段堆貯備用凡所築土壩飭令工員用甌

擇要包砌此項甄價先由道庫墊發俟秋閒於奏請購石項下撥還歸款此外洋河曹考曹河糧河上南商虞各處應先事豫防者著該河督隨時督率道廳妥商辦理並於查驗工料時認真稽察如工員購甄不實卽行嚴參著賠以重工需至用甄搶辦險工較鑲堵更爲便捷且較石價多寡懸殊錢糧節省又所占河面無幾不至有與水爭地之虞該河督旣確有把握朕卽責成辦理總期行之無弊方爲不負委任其應貯甄塊仍令向民間收買不必臚員設窯燒造之處亦著照所議辦理○諭軍機大臣等林則徐等覆奏堵截洋船情形請暫緩裁斷互市及頒行各國檄諭等語所見是此次查辦海口防堵疊船各國業經遵繳煙土自應加恩准予照常互市以示懷柔所有斷絕茶葉大黃著暫緩置議其英吉利旣有在粵領事經該大臣等就近諭知辦理所有檄諭該國之

處亦著暫緩頒行統俟議定與販吸食各罪名頒行新例時於善後章程內另行詳細籌議仍遵前旨擬稿近呈再行頒發○林則徐奏呈進諭各國呈繳鴉片示稿本大臣既帶關防得便宜行事若鴉片一日不絕本大臣一日不回誓與此事相終始批覽及此朕心深爲感動卿之忠君愛國皎然於域中化外矣○以恩銘爲熱河都統隆文爲刑部尚書

由左都御史遷

丙辰以鐵麟爲左都御史

調德興爲倉場侍郎德春爲兵部右侍郎德誠爲盛京戶部侍郎以明訓爲盛京刑部侍郎武忠額爲左副都御史

候補三品

○丁巳

武忠額以精力就衰休致以惟勤爲左副都御史

前任吐蕃番領隊大臣

○

以鄂爾端爲左副都御史

山大理寺卿遷

○庚申諭向來越南國二年一

貢四年遣使來朝一次合兩貢前進琉球國同年一貢暹羅國三

年一貢在各該國抒誠效順不敢告勞惟念遠道馳驅載塗雨雪

而爲期較促貢獻頻仍殊不足以昭體恤嗣後越南琉球暹羅均著改爲四年遣使來貢一次用示朕緩懷藩服之至意○壬戌諭前據林則徐等馳奏躉船鴉片盡數呈繳請解京驗明燒毀當降旨允行本日據御史鄧瀛奏稱廣東距京程途遼遠以繳煙土爲數較多恐委員稽察難周易啟偷漏抽換之弊等語林則徐等經朕委任此次查辦粵洋煙土甚屬認真朕斷不疑其稍有欺飾且長途轉運不無借資民力著毋庸解送東京卽交林則徐鄧廷楨怡良於收繳完竣後卽在該處督率文武員弁公同查覈目擊銷燬俾沿海共見共聞咸知震聳該大臣等惟當仰體朕意嚴實稽查斷不准在事員弁人等稍滋弊混○諭軍機大臣等本日據鍾祥等奏擊辦臺灣滋事匪徒摺此案匪徒胡匪因謀反未遂膽敢勾通內山賊匪洪保等分立股夥前糾結街民蕭紅等爲內應

攻汎戕兵不法已極經該鎮道等帶兵馳往店仔口地方會商捕辦拏獲首夥十二犯審明正法辦理尙屬迅速惟未獲餘匪均已潛入內山若非盡力捕獲悉數就擒難保不勾結山內匪徒復出滋事著該督卽責成該鎮達洪阿督兵分路搜捕務將竄往潛匿各匪卽日淨盡斷不准稍留餘孽以靖奸宄而絕根株○是月緩徵山西隰州等八州縣逋穀

夏四月丙寅朔諭軍機大臣等寶興奏夷匪出巢滋擾酌添防兵一摺上年雷波馬邊廳等處夷匪屢出擾害業經勦辦完竣何以本年二月間復有焚掠等情據稱越雋之西糾糾米吉施等支夷衆聽從馬邊等廳夷匪勾結是否有漢奸從中煽惑抑係上年勦捕未能淨盡根株該廳地方縣長數百里兵力單弱不足以資防堵著照所請酌添兵丁分段設守並飭令署提督桂明分派各兵

周密布置竭力防範相機堵齊慎早晚到任務當會同商辦總
使夷匪知所做畏永遠不出滋擾方稱妥善該夷匪等藏匿老林
原不值重煩兵力深入窮追然兵集則逃兵撤復出相尋不已糜
餉老師終非良策著寶興等悉心籌畫計及久遠不可徒顧目前
意存姑息將就了事○調薩迎阿爲盛京戶部侍郎明訓爲盛京
禮部侍郎德誠爲盛京刑部侍郎由盛京戶部調○辛未召魏元烺來京
以吳文銘爲福建巡撫調王植爲刑部左侍郎沈岐爲禮部左侍
郎以王瑋慶爲禮部右侍郎由左副都御史遷○甲戌諭據林鴻年等奏
上年十月自琉球回棹該國王尙育懇請代奏令陪臣子弟四人
入監讀書等語加恩著照所請所有該國陪臣子弟四人俱准其
入監讀書用遂其觀光之志○丁丑調周天爵爲河南巡撫朱樹
爲漕運總督○已卯上詣黑龍潭祈雨○庚辰林則徐等奏

洋船存貯鴉片二萬二百八十三箱前諭令駛至虎門陸續隨繳
剝船與躉船高下懸殊煙土起至一半躉船水迹浮高風信靡定
不免終日坐守見在所繳鴉片數之原報數目已逾十分之八東
路南澳地方間有數船至長山尾等洋遊奕雖經該鎮隨時驅逐
而旋去旋來其三板等船分載煙土駛往南澳亦不可不乘此機
關一槩招回悉數呈繳擬卽乘勢清理報聞○壬午諭鴉片煙流
毒日深自上年查禁以來京城內外各衙門拏獲各犯分別奏咨
交刑部審訊者不下數百起承審各員果能細心研鞫何難就見
獲人犯將煙土來歷與販夥黨及何處何人開設煙館同吸食者
共有幾人逐層根究朕爲天下除此禍患大小臣工宜如何仰體
朕意同心協力思所以肅錮習而挽頹風嗣後刑部堂官惟當督
飭司員凡承審煙案總宜切實根追固不可累及無辜尤不可將